



Inatsisartunut ilaasortaq  
Kristian Jeremiassen, Siumut  
-/maani

### **Qalerallitassiissutit pillugit akissut**

Inatsisartut suleriaasianni § 37, imm. 1 naapertorlugu Naalakkersuisunut ima  
apeqquteqarsimavutit:

- 1. Sooruna angallatit qaleralinniutit anginerit pisassaminnik ilanngartuiffingineqartut?**
- 2. Sooruna angallatit qaleralinniutit anginerit pisassaminnik ilanngartuiffingineqaramiknassuaammik pissarsinngitsut?**

21. januar 2014  
Suliat nr. 2014-094769  
Allakkap normua 1452452

Postboks 269  
3900 Nuuk  
Oqa. (+299) 34 50 00  
Allak. (+299) 34 63 55  
E-mail: apnn@naoq.gl  
www.naalakkersuisut.gl

### **Akissut**

#### **1)-imut**

Angallatinut qaleralinniutinut anginerusunut pisassiissutit makku patsisigalugit ikilisinneqarput:

Naalakkersuisut qaleralinnut tunngatillugu pisassiissutinik agguassineranni kiisalu umiatsiaararsortunut 19. december 2013-imiit qaammatikkaartumik pisassiisoqartalerne- rani 2012-imi pisassat aallaavigineqarsimapput, umiatsiaararsortut angallatillu anginerit akornanni procentiliilluni agguaseriaaseq pisoqaq malillugit pisassiissutit agguateeqqaarneqarmata atorneqartoq tunngavigalugu. Tamatuma kingorna pisassiissutit amerlissutaat tamarmiusut umiarsiaararsortunuinnaq agguanneqarput.

Oqaluttuassartaa tassaavoq 2012/2013 ukiup nikinnerani aqutsiveqarfinti tamani ping- suusuni pisassiissutit tamarmik immikkut 300 tonsnik amerlineqarnerat, taakkulu umiatsiaararsortunut angallatinullu anginernut 6 meterinit anginerusunut agguaseriaaseq malillugu agguanneqarput, taannalu 2013-imi augustusimi pisassanik annikitsumik qaffaaneremi aamma maleqqinneqarsimalluni.

Aalajangigaq 2014-imi 3. januar allannngortinneqarpoq taamaasilluni 2012/2013-ip nikinnerani pisassiissutit avinneqarsimanerat aallaavigineqarluni taakkulu taamanikkut agguassismaneq malillugu agguarneqarlutik tamatumalu kingorna pisassanik qaffaanerit tamarmik umiarsiaararsortunut pisassannngortinneqarlutik.

#### **2)-mut**

Illumoorpoq tusagassiutinut nalunaarummi 19. december 2013-imeersumi qaleralinniutinik angallataatillit pisassiissutimik ikileriarsimanerat pillugu nassuaanneqarsimannngimmata tusagassiutinut nalunaarummi qaammatikkaartumik pisassiisalernerup eqqunneqarnissaa taamaallaat nalunaarutigineqarmat. Aalajangersimaneq Naalakkersuisunit 3. januar 2014 allannngortinneqareermat

qaleralinniutinik angallataatillit tamarmik ukiumut pisassatik pillugit allakkatigut nalunaarfigineqarnerinut atatillugu allanngortsisimaneq pillugu nassuaateqarfigineqassapput.

Inussiarnersumik Inuulluaqqusillunga

Aleqa Hammond